

嘉靖寧夏新志

寧夏新志卷之七

文苑詩

賀蘭大雪

慶靖王凝真

北風吹沙天際吼雪花紛紛大如手青山頃刻頭盡白平
地須臾盈尺厚胡馬迎風向北嘶越客對此情淒淒寒疑
氈帳貂裘薄一色皚皚四望迷年少從軍不為苦長戟短
刀氣如虎丈夫志在立功名青海西頭擒替普君不見牧
羝持節漢中郎嗷嗷和雪為朝糧節毛落盡志不改男子

當途須自強

登宣秋樓

亭臯木落水空流
隴首雲飛又早秋
白草西風沙塞下
不堪吟倚夕陽樓
樓頭悵望又躊躇
目送征鴻向南去
黃沙漫漫日將傾
總是江南客愁處

黃沙古渡

黃沙漠漠浩無垠
古渡年來客問津
萬里遙夷朝

帝闕一方冠蓋接
咸秦風生灘渚波
光渺雨打汀洲草
色新

西望河源天際闊
濁流滾滾自崑崙

晚登五州樓

炊煙幾處起荒城
柳外遊絲百尺縈
把筆登樓謾回顧
夕陽流水總關情

麗景園冬日步王忍辱韻

澤水未見腹全堅
溶洩沍澌瀉冷泉
木落易窺行客徑
風寒難棹釣魚船
人間世外由來別
塞北江南自昔傳
十載邊城行樂處
優游聊以度流年

總兵營

故壘荒餘草漸平
路人猶識總兵營
旌旗寂寞埋金甬
風雨還疑鼓角聲

永樂二年春祭社稷山川禮成

受

命分茅土萬里藩西疆
常州夏州路移徙
不少康封內群山川
八載祀典荒社稷
祈報禮非余獨敢忘
但為移徙中以致
久不遑求樂當二年

尊兄今天王大明御寰宇負宸理乾綱念茲群神祀春秋事
有常禮固不可闕

勅命築壇場修舉乂廢禮為民祈福祥仲春擇吉日二祀思
神饗禮樂既蕪備肥膾烹豬羊諸公倍祀者珮玉聲鏘鏘
燈火明煌煌載拜望景光三獻禮初陳牲醴列馨香自祀神
冀來格非徒歌樂章屏息俯如待如臨氣洋洋所願風雨
時秋收足千倉愧予方幼年才薄德又涼自慙忝王爵享
有此一方受昨飲福酒不肖豈敢當尚賴諸賢私事事為

不齊集卷十
三
釗襲昧爽行禮畢享酢飲公堂珍羞具前列百味羅芬芳
大事在祀戎豈可令德爽善惡二途間降久且有福殃飲罷
為三思戰慄復恐惶

古塚謠

安塞玉樗齋

賀蘭山下古塚稠高下有如浮水湏道逢古老向我告云
是昔時王與侯當年拓地廣千里舞榭歌樓競華侈強兵
健卒長養成眇視中原謀不軌豈知瞑目都成夢百萬衣
冠為祖送珠櫛玉匣相後先蕭鼓聲中雜悲慟世更年

遠迹已陳由齋縱存猶路人麥飯疇為作寒食悲風禿舌
次黃塵惟鷓鴣薄暮喧孤樹四顧茫茫使人懼天地黯慘愁
雲浮遙想精靈此時聚若不聞人生得意須高歌芳鐸莫
惜朱顏醜百年空作守錢虜以古視今還若何

塞垣秋思

炎威渾幾許物色讓秋情楊柳和煙淡蕪葭感候鳴遠山
新黛掃初月玉鉤橫愧乏安仁思援毫賦未成

和張都憲夏日遊麗景園

東郊長夏草初蒸
露景偏宜曙色分
官樹倚天張翠葆
好花傍檻閃紅雲
舟移蘭棹波光蕩
宴列紅亭樂調聞
芳歲昔人何易去
尊前莫問夕陽曛

觀黃河

西來天塹隔遐荒
雪練橫拖若沸湯
兩岸浪花時噴薄
一行棹影遠微茫
負圖龍馬人文著
取石星槎歲月長
欵對秋風重弔古
無情隙景易斜陽

高臺寺八韻

蘭阜秋容

西山佳致最宜秋，疊巘峨峨映遠陬。
涼雨一番通夕過，翠嵐千頃接天浮。
落霞孤鷺斜陽淡，錦樹西風暮景幽。
我輩韜光惟謝客，招賢誰賦桂枝樛。

大河春浪

河流險閼赫連都，雪練無窮若畫圖。
雨溢晴波洪渺濤，風搖細浪遠模糊。
魚龍隱隱乘時奮，樓堞依依倒影孤。
壯志疇能同博望，溯流取石訪牛夫。

廢壘寒煙

目極頓垣落照邊
伯圖寂寞慘寒煙
淒淒半混苔痕合
漠漠遙引野色連
啼馬不知亡國恨
晚花猶乞過人憐
強兵戰勝今何在
盡甌得虛名入史編

漁村夕照

村居多以漁為業
得米歸來喜不窮
黃柳巧穿行斷續
綠蓑斜荷語從容
蕭蕭岸草篩晴日
獵獵江蒲怯勁風
共易清醑沉醉後
回看斷唵夕陽紅

渠上良田

天塹分流引作渠一方擅利溉膏腴魚遊淺碧東風細花
漲殘紅暮雨餘千頃良田憑富足萬家編戶獲安居几陽
任爾為驕客稔歲何妨史氏書

莊前叢柳

田家植柳護衙門到處青青入望頻媚眼多情眠白晝纖
腰無力舞黃昏卑枝不聽流鶯語僻地難招望帝魂眠叟
不關興廢事密陰深處戲兒孫

古寺晨鍾

曙鷄三唱月將沉
早聽鯨聲出紺林
盼國使興催馬足
祝
蒼僧集振潮音
一言洞顯直機熟
九地潛資滯鬼深
最是
河西征戍客
幾人聞此碎鄉心

秋郊晚笛

碧天西壁掛斜陽
郊野淒風作嫩涼
秋色滿前橫莽蒼
笛
聲何處助悠揚
駉駉載道征駒驟
蕭蕭投林倦鳥翔
獨
有望鄉遷客苦
梅花落處斷柔腸

將至寧夏望賀蘭山

大學士金幼孜

匹馬何時出

帝國今晨初見賀蘭山風沙近塞居人少
斥候連雲邊卒閒
白海堆藍封磧外黃河引水注田間
遺城按堵全無警

聖德于今徧百蠻

至寧夏

駟騎初秋別

帝京使旌今喜至邊城衣冠盡向花前合
車馬還從柳外迎

藩府感

恩心倍切

朝廷冊命禮非輕極知白首蒙

恩遇謬忝皇華愧老成

出郊觀獵至賀蘭山

賀蘭之山五百里極目長空高插天斷峯迤邐煙雲濶古
塞微茫紫翠連野曠旌旗明曉日風高鷹隼下長川昔年
潛為俱塵土猶有荒阡在目前

塞垣秋興

承廣 見流寓

江山如畫幾興亡
天際秋雲百夕陽
栗里南窗潛書甲子長
沙賈誼愛文章
鴈將南去驚寒意
菊爲誰開作晚香
不
有醉狂書爛熳
老懷何處問時光

梅所

客以梅為所
移梅取次栽
花枝向南發
山色自西來
清影
孤窓月黃昏
一酒不揚州
有何遜東閣
待誰開

賀蘭九歌

潘元凱 見流寓

西有山兮鬱嶺岷虜呼駭色曰賀蘭壁立萬仞羅巖巒形
勢蜿蜒如龍蟠高低遠近雪漫漫六月峯頭猶苦寒嗚呼
一歌兮歌未闌征人早已淚闌干

黃河西來幾千里濁浪如山日夕起晝夜不舍向東流滾
滾滔滔不暫止吁哉一水隔中原戍客思鄉愁欲死嗚
呼二歌兮歌聲悲未知何日是歸期

漢唐渠水流滴滴冬則涸兮夏則溢不知何代興屯田千
載人勞至今日獨憐貧戶無牛耕納稅輸官賣家室嗚

呼三歌兮歌聲哀輪臺之詔幾時來

黑山差我列烽火往來官軍日巡邏胡寇出沒本無常守
卒朝昏不敢情山頭遙望白雲飛慈親舍在江之左嗚
呼四歌兮歌悠悠孝子思親何日休

十月嚴寒雪花墮空中片片如掌大衣單不耐朔風吹
二千年來渾碎破得錢市酒飲數觥酒酣激烈歌楚些
嗚呼五歌兮歌孔多窮通由命柰爾何

黃沙磧裏本無春此語看米却是真要知何日歲華新

但看斗柄回指寅桃紅李白見無因極目衰草勝荆秦嗚呼六歌兮歌酸辛邊人征戍難具陳

塞下由來非樂土况復城中多斥鹵四衛居人二萬戶衣鐵操戈禦驕虜一夜軍書傳檄羽平明出戰聞鉦鼓嗚呼七歌兮歌傳苦南望鄉關淚如雨

季及歲事已闌珊回首家鄉涕汎瀾音書無由報平安思親痛切摧心肝籍居營伍身屬官敢辭從軍行役難嗚呼八歌兮歌歎殘仰天南望漫長嘆

八月風高天氣涼，寒衣不見來家鄉。
行行征雁向南翔，書成無由寄北堂。
憑高矯首雲茫茫，關河阻隔遙且長。
嗚呼九歌兮歌已闕，倦客思歸歎愁絕。

梅所

翠禽啼落枝頭月，夢入淮臺白銀闕。
綈衣縹渺列群仙，雪貌娉婷玉為骨。
初疑郭西千樹梨，香麝化作萬玉妃。
明璫雜佩盛粧飾，夜深與月爭光輝。
又疑銀河倒瀉清冷水，散作天花照羅綺。
瓊林玉樹一色俱，髣髴蓬壺畫圖裏。
後疑

巫山之女披練裙并刀剪碎巫山雲隨風飛墮水晶窟朝
朝暮暮揚清芬人情凝涕久延佇夢覺紗窓讀書處非
梨非雪亦非雲乃是郭公之梅所郭知梅之趣梅知郭之
心江湖遙落歲云暮老氣崢嶸宜春簪

又

我昔讀書松桂林松花落處三尺深林下幽棲景清淑門
外梅花繞林麓年年臘盡花盛開屋前屋後雪作堆別來
此地知誰有嘆息平生歲寒交月明千里夢愈清愁惟

聽角中吹黔陽舊令何清楚茅屋新題字梅所金陵進士
玉堂看待筆為馬江南春塞北江南幾千皇春色移來梅
所裏飄飄鳴立梅邊人角巾墊角風致新顏如冰雪神如
水梅花豈得非前身去年來看春可掬今歲重過看不足
帳捲谿藤雲一床被擁蘆花秋六幅青樽留客酒如泉青
天送月來窻前主人鳴琴客起舞兒童拍手呼神仙仙耶
人耶呼不醒梨雲壓夢衣裳冷夢中吹徹玉參差夜半寒
香飄雪影南枝開盡北枝開錦囊秀句更新裁明朝我欲

敲門去莫遣山童掃綠苔便須急換酒一斗東閣西湖興
何有先拚爛醉如爛泥與君重題詩百首

白塔晨鐘

長史劉牧

白塔去州六十里清晨長視炊煙起太平久不見烽煙客
行道路如流水方今大一統華夷昔人還宿舊招提會者
居上人煙騰鷄鳴大吠聞邊陲

黑水故城

三山陳德武

見流寓

一灣黑水尚流東陽有頽垣草莽中不務養人歸市德徒

勞蒸土校錐功寃骸白露泥中雨
燐火青吹月下風顧彼
亡胡何足惜可憐司馬沒英雄

官橋柳色

邊城寒苦惜春遲三月方看柳展眉
金裝畫蘭黃尚淺絲
澹流水綠初垂染增新色綠煙雨折減長條為別離
可幸
嬌鶯飛不到等閑烏鵲鬧爭枝

西夏城

新衛開西夏魏魏百雉城經營資遠畧
訓練足強兵鐘鼓

彤弓劔山河白馬盟將軍正無事卧聽凱歌聲

西夏重陽

紀善王遜

作縣幾時同志苦投荒萬里倍惜其功名次忝尋常夢怪
事書空感激人擊柝徒吟胡地月屯田也食漢渠春艱難
薄信猶多事漂泊南冠愧此身

夏宮秋草

壞宮秋草滿猶說李王朝為堯埋兵碎龍塢沒火焦霜摧
晨慘慘雨腐夜迢迢知有英雄在為營甲冑家

黑水故城

築城當黑水想像赫赫連時用力疲
蒸土勞心校入銜一朝歸
輦轂千載穴狐狸斗絕誰過此
惟增謫戍悲

漢渠春水

崑崙萬古靈作水注黃河大漢為渠
又中原決處多瞻天
慳夏雨謫戍賴春波
歲歲豐稔泉宜聞擊壤歌

良田晚照

斜日照良田關心匪少年
繞看離若木又歎薄戾泉
人老

餘光際半耕寸畧邊似傷羈佃意欲沒更留連

夏臺秋感

唐鑑見流寓

養素存吾拙經時不下堂坐觀人事改似與倍情忘
知秋感蛩吟覺夜長此身渾是寄何必問他鄉

西夏重九

強整烏紗只自羞此身流落歎遣州試斟白酒澆閑悶倦
對黃花憶推邊塞鴈一聲天地肅嶺雲千點古今愁還家
不負登臨約笑把茱萸插滿頭

西夏漫興

林季

見泥窩

水光山色滿沙洲，舉目關河一古丘。
玉露凋成紅葉景，金風吹老碧梧秋。
雲橫鴈陣書難寄，日落猿聲淚易流。
廿載邊陲驛倦客，戎衣添却去年愁。

大壩登眺

都御史韓文

保定

武剛千乘自還營，萬壘貔貅夜不驚。
多募兵家惟善守，能攻老將戒輕行。
虜酋喪膽聞風遁，農父懽心帶月耕。
獨倚戍樓凝望眼，長河東注水澄清。

感懷

百歲功名嘆白頭，嘆他頭白為民憂。
輕裘緩帶巡邊塞，乘月裁詩倚戍樓。
日每惟謀平虜策，生來不理釣魚鉤。
何時拂袖東籬下，笑對南山豁醉眸。

夏城坐雨

主事李慶陽

河外孤城枕草萊，絕邊風雨送愁來。
一秋穿塹兵多死，十月燒荒將未回。
往事空餘元昊骨，壯心思上李陵臺。
朝廷遣使吾何補，白面慙非濟世才。

夏城漫興

行盡沙陁又見河，
松蘭西望碧差我。
名存異代唐渠古，
鏤空山夏寺多。
萬里君恩勞饋餉，
三邊封事重干戈。
朔方今難汾陽老，
誰向軍門奏凱歌。

胡馬來

冬十二月胡馬來，
白草^{皸皸}黃雲開。
沿邊十城九城閉，
賀蘭之山安在哉。
傳聞清水不復守，
遊兵早捉黃河口。
即看烽火入甘泉，
已詔將軍屯細柳。
去年穿塹長城裏，
萬人齊

出千人死陸海無毛殺氣蒸五月零冰凍河水當時掘地
云備胡胡人履之猶坦途聞道南侵又西下常州固原今
有無從來貴德不貴險英雄豈可輕為謀尚書號令速雷
電抱玉誰敢前號呼遂令宵旰議西討茲咎只合歸吾徒
我師如貔將如虎九重按劍赫斯怒惜哉尚書謝歸早不
覩將軍報平虜

別夏城

竹山胡汝礪

兵部尚書
嶺人

倦倚闌干把玉卮水雲縹緲影參差乾坤有路關梁屢歲

月無情管會離望裏山川都入畫醉中鄉國謾留詩園花
汀草皆生意借問東風知不知

別夏城親友

龍山駱用卿

兵部員外郎
隸人

邂逅尋春徧朔方興州原是舊名疆山形西限今夷夏渠
利中分古漢唐花木悰情留客駐衣冠骨肉許人狂對

迂期了經綸債回首來酬第幾觴

行臺視事

都御史王珣

皇皇

寵命重安邊憲節春風路五千靈武山河多險隘賀蘭雲石
共鈎連渠分唐漢江南景地鎮華夷塞北天韓范功名青
史在肯將實學付徒然

開渠

滾滾河流勢顯哉平分一派傍山來經營本為防胡計屯
守兼因裕國裁此日勞民非我願千年樂土為誰開老臣
喜得金湯固幕府空閒衛霍才

造壩

河流兩派遠邊城保障平當一半兵不為板橋頻建置肯
將石閘創經營百年敢信居民逸此日應知水患平渠道
漢唐依舊是山川形勝總生成

開靈州

靈州元屬古西秦老我經營為爾民地接賀蘭封域壯人
耕火石版圖新百年又見絃歌日千里均霑雨露春幾度
巡行頻眺望

皇風穆穆蕩無垠

開金積渠

山名金積舊相傳峽口神功不計年
滾滾西來經異域洎
沿東去繞窮邊渠分一派清流
水并授千家沃壤田淺薄
敢誇經畧計兵民安輯荷堯天

巡視東路

驄馬行邊八月秋靈州東望翠雲浮
天池一帶桑麻地河
套千重沙漠洲破虜高名誇小范
禦戎上策說成周北門
鎖鑰從來重經畧封疆豈浪遊

野亭東諸同志

儀賓路昇

綠樹陰中構小亭捲簾吟對晚山青管絃未許排歌扇詩
酒常教聚德星荷鍾人歸村犬吠捕魚船過水雲腥明年
三月春如錦有約還來款竹扃

石溝道中

都御史馮清

沙井石溝誰說險古今豪傑幾經行塹壕謾訝防邊遠烽
埃尤嚴接報明自信將家曾慣戰應慙儒者未諳兵范韓
聞亦經生輩千載何為獨擅名

鹽池驛

南來百里憇鹽池，解愠南薰夏仲時。
舊壘涼閣巢紫燕，新聲枝上嘯黃鸝。千年

寵荷三生幸，萬慮忠貞一寸私。
物與民胞均付託，內修今古重邊陲。

巡撫難

巡撫難，巡撫難，華階峻地非崇觀。

徽音御壘

帝躬製使華千里來飛翰君不見紫微堂上冠裳集芻糧之
外餘非干又不見臬司要地擅風紀四時凜凜霜威寒郡
邑牧愛切闡衛兵戎繁中貴攝方鎮元戎坐並壇職司隸
一事何如巡撫難百寮庶府網維地春榮秋肅歸毫端鑑
之空揚清激濁矢之直禁弊除奸安內則黎元綏輯攘外
則夷虜摧殘權總兵民之任位尊股肱之官心宅惟公惟
恕政蒞宜猛宜寬九秋鷄薦萬里鵬搏恩覃浩浩威振桓
桓艾除稂莠培植芝蘭巨木支厦砥柱回瀾周師伊召宋

齊范韓知名中外增采衣冠傾心士服仰面人看風恬倍
美物阜民安

九重慰望四野騰歡傳芳今古肖像青丹如是斯名稱職
如是斯免素餐濯菴居士地撫彈丸風生豸角光炫金
鱗幸知

明主自愧儒酸任繁責重力薄才單感遭逢之不偶喜心力
可殫羨玉執手盈水捧盤商鉞戾乘舜琴笑彈冰霜肅
蕭兩露灑灑漫河流滂滂山勢嶺岷威宣沙漠頭鳥可汗瑤

空翔鳳

紫誥回鸞功業是標

恩澤斯溥仰瞻俯察心廣體胖靜思炳日迅掃驚濤頤質夫
知言同志君子愧不能形容巡撫之難

逸人苦

嗟予迂且腐念切逸人苦逸事耳頻聞逸情日親睹歷逸
頗有年窮逸悉可數追思每繁心逸差亂如縷余夫輸逸
糧壯夫隸逸伍逸成歲無休逸征身何怙修逸妨耕鋤巡

邊歷沙肉邊兒解兵戎邊女廢織組邊婦嘆室廬邊夫賦
叱咄邊衣氈徭裘邊技刀弓弩之產集邊商冒險行邊
嘗茫茫邊草秋赴赴邊軍武凌漢邊墩孤剝雨邊城
古邊喉苦寒涼邊信雜夷虜邊弊爾抽絲邊雪旱思雨
逃亡度邊關携扶棄邊土撫鎮寄邊陲功勳之邊補邊
地極偏西邊日喜停午邊疾養參苓邊解藉斤斧牧邊
庶半羊藝邊豐黍稌儲富足邊氓強兵雪邊侮壽邊
愧前賢安邊慰

明主雨露沛邊方草木蕃
造圃獻貢充邊戍絃歌動
邊廡
惟臣職修邊沐

君恩溥遠固擅坤隅
邊實遠丹府邊苦知當耳
嗟予迂且腐
鹽池

鹽池方幾許經始不知年
天地自然利軍民無種田
征輸
宜減薄奸弊貴窮研
調鼎仍憑藉誰云祇實邊

撫臨寧夏二首

解愠南薰雨後來
鳳書千里下蓬萊
時當仲夏臨西夏
愈

拜都臺自外臺寶劍光寒星斗燦牙旗影動瘴嵐開
介冑民耕藉西顧愛紆亦快哉

使華十里日邇來恩露傳宣被草萊幸際風雲功豈
願驅民物入春臺天空萬里塵襟豁烟淨三邊倦眼開
帶遶屏園山水麗清時氣象總奇哉

鎮守西園小會

市城數畝小蓬萊賓主乘閒偶一來渠過女墻分活水堤
培古木護金吾謾敲詩句聲摩漢笑撥花枝影泛盃不

信軍門諸士卒室家恨未戍邊回

蓮池雅集

井梧葉下報新秋
十里東郊作勝游
筒酒數莖敦古俗
蓮舟一葉泛中流

一人有慶三邊靖
四序惟康百穀收
後樂也知明訓在
應思蟋蟀詠休休

靈州再次石屏韻

活水澆田出淺溝
清清一脉快雙眸
民風有感醉猶古
靈

不第身志卷七 三二
度無情肅似秋萬丈雲屏開漢表一方雨脚閣山頭古
今邊鎮知多少八陣疇能繼武侯

賀蘭山

險設名山志賀蘭華夷界限勢巔屹千尋西北屏幃轉
萬代東南衽席安眩目晴光天染碧夕簾清氣坐生寒乾
坤有意開圖畫一度乘閑一笑看

次韻二首

萬里乾坤豁壯眸西成處處報新秋胸慚十萬無兵甲今

日先登德裕樓

水色山光縱遠眸佳期計日屬中秋月宮舊屬經遊地不
羨當年百尺樓

行臺閑詠

御史石玠

清於池水淨於苔會府潭潭暫作臺夜月半庭人未宿
春雲滿眼否將開榆關道路猶堪走鱗閣功勳豈易陪莫
信蓬萊相離遠塞鴻多自日邊來

郊望

主事王崇文

珣之子

遠近人家四野連
風光誰信是窮邊
黃花爭發酬佳節
綠水分流稱力田
烽火報稀增樂事
河山景好落銀筵
時平又得新渠利
會有民謠入管絃

賀蘭山

山名舊熟史編中
勝覽分明五嶽同
遙嶺蜿蜒通紫塞
秀峯斗絕倚蒼穹
地宜耕牧神明衛
渠沮羗戎道路窮
半醉偶然成獨笑
太平無用勒奇功

初到寧夏

李守中

洪武初人不詳其出處

黃河一曲抱孤城九月天寒水欲冰
紫塞風沙時陣陣黑
山霜雪曉層層
霓裳北散天
魔女霞毯西來寶藏僧
却憶江南秋半老
橙黃橘綠氣和平

登鎮守西園樓

郎中都穆

賀蘭山色照吟眸
難得登臨在早秋
百尺元龍何足數
直須呼作鎮邊樓

嘗鎮守西園牡丹

都御史張勛

擁出雕闌三尺饒
嬌紅嫩白照金袍
薰風細細香偏別

仙苑沉沉價自高，老歲豈堪逢異品。群芳應是避奢家，
遊觀會得花神意。宮人許高軒駐節旌。

次靜菴賞牡丹韻

總兵官保勳

春工未許便闌珊，且放清光護粉丹。錦帳不須遮日薄，羅
衣猶自怯風酸。柳間門戶橫金鎖，花下神仙服豸冠。勝地
莫辭頻宴集，明年須識此欄杆。

池上秋感

池上秋聲到樹間，主人默默對秋山。清霜入塞弓刀勁，野

水滿川鷗鷺閑遊子醉扶何處去邊人戍向幾時還殘胡
未靜寒暗變黃葉西風感髮顏

奉和曲都憲二首

御史歐陽雲

慕蘭瞻轄蓋有年自從親炙仰彌堅英培國脉春舒脚怒
斫酋肢柳貫鮮大勇不煩歐冶劍真清曾却會稽錢他時
縱步沙堤上要網鸞凰報

九天

追趨志勢且忘年礪石難磨許國堅鳥弄山花紅的歷馬

嘶寒草綠蕃鮮憲臣執矩當年汲儒者知兵異代錢盛夏
飛霜羌膽破聲騰柱海暨冰天

寧夏

僉事于孟達

百萬貔貅善守攻胡塵靜掃草茸蒙威加朔漠龍沙外
人在春堂玉燭中山限華夷天地設渠分唐漢古今同
聖君賢相調元日寒瓦江南文教通

高橋望寧夏

行人王弘

匹馬行行此極邊依稀風物似中天東西處處人栽樹

遠近家家水灌田
雨露一般唐郡縣
乾坤萬里漢山川
平生儻有安邦畧
誰肯忠良秘莫傳

靈州

低頭前日拜都堂
為說安邊策最良
民物總新唐郡縣
山川依舊漢封疆
多方設險尊中夏
千里屯田廣饋糧
欲把心情何處寫
我公遺愛比甘棠

寧夏寫懷二首

馬首西來更向西
賀蘭山色與雲齊
三邊保障新添險

萬里長城舊設堤
漢地有人留鎖鑰
胡兒何處許攀躋
欲知關外將軍令
細柳營中聽鼓鞞

滿路渾無半點埃
雨餘紅軟馬蹄開
王城萬里封西夏
霄漢多年望上台
藥裹且收身尚健
賢勞真愧我何才
邊城四月寒猶在
帶得清風一道來

· 寧夏

長史周澄

邊城一望思悠悠
百草黃雲古塞州
人去人來經歲月
花開花落自春秋
蘭山西恃攢工秀
河水東奔遶郡流

最喜群公能鎮靜萬家煙火樂無憂

望賀蘭山

卽中徐鍵

華夷天限有斯峯萬仞巍巍障碧空
芳草綠楊新塞堡
野花黃蝶舊離宮
喬梧地古早年鎮唐漢渠分一水通
幾度政餘閑眺處翠屏高照夕陽紅

睡足軒

翰林待詔李幹

幽人心境出塵寰一笑驚開夢覺關
慨我獨醒非是醉
憐渠多事不如閒
落花啼鳥春風外逝水浮雲夕照間

借問槁梧誰復據謾誇勲業等丘山

白鷹

教授張克敬

金眸鈎爪玉為毛異質英姿總俊豪抱素迥然超等類
鍾竒端足壓群曹雲飛天外孤騰遠雪點山前獨立高
自是林泉留不得終歸上苑任翱翔

琴意軒

吳謙

洪武初不詳其人

雲間高士長裾客愛向蘭山結幽屋窓前閑日一張琴簾
外清風數竿竹竹聲琴韻協金石若鶴能招丹鳳宿

俗士少知音來對此君聽一曲

送王時敏之京

邊定

見流寓

祖饒河水上離情鬱難舒彼此諒衷素值茲孟夏初青青
河畔柳嘉麥生同墟予今京國去結駟耀通衢冠蓋歛交
會連壁聚瓊裾既抱直持操甘等常人愚亮節責自愛洪
濤奮鷗魚掄材仍射策陳網當晏如昔為鳧鳥令展轉惜
居諸葵藿仰朝陽寸心萬里俱勞躬宗令德世澤遺鄉閭
言睽賀蘭前雪影裴虛為作遠塞別歌成不能書擊

孔繼慷慨對景兩湖瀕

邊城贈別

河渠提舉錢遜

游魚戀深淵倦鳥思故林青雲萬里途壯士方寸心攬鏡
惜勛業秋霜滿華簪邊庭不得意忽忽歲月深仰天
發長嘯悲風起蕭森危髮上衝冠髯戟相差參河梁
杯酒間離眉那能禁停君舞寶劔聽我彈鳴琴回翔別
鶴操宛轉征鴻吟非熊夢何晚老馬智可任歸哉從此
辭潸然涕盈襟佳聲幸相慰毋為金玉音

賡韻慶藩惠雙橘

郭原 見流寓

凝真齋所聽高談內使筠籠命賜柑不遺聽營携亦可
如蒙投簡賦還堪黃金鑄顆紋雙皺白玉為漿味獨甘
上承恩誰與並先生應不想江南

寧夏閑遊

尚書王瓊

仗鉞塞帷入夏州塞垣風景豁雙眸田開沃野千渠潤屯
列平原萬井稠西北蜿蜒崇嶺峙東南縹渺大河流深津
割斷通胡路不用窮兵瀚海頭

閱視征西將軍周尚文墻塹

高壘深溝意若何東西形勝接山河胡兒夜半移營遁
農父秋成擊壤歌限隔華夷須地險守防隄塞仗人和受
降尚記三城在元帥勲名共不磨

九日登長城關樓

危樓百尺跨長城雉堞秋高氣肅清絕塞平川開塹壘
排笮汗堠颺旌旌已聞胡出河南境不用兵屯細柳營極
喜禦戎全上策倚欄長嘯晚煙橫

將至靈州

僉事齊之鸞

復入人煙境村墟鷄犬聞沙黃偏映日樹綠正連雲古道
流河潤高嵐壓虜氛服箱轅下特東餉馬池軍

入夏城

髒消萬里興躑躅且以并州託賀蘭城日未寒旗北影卷
風初緊薦南翰偏懸偽峯河山負混一

皇圖雨露寬憲節本兼休養寄兒童竹馬拜征鞍

硤口

生犀飲河欲北渡海月忽來首東顧馮夷舉手揮神鞭鐵
角半摧河上路至今夜有水泣聲罔象歎獻鬼女效露土
人作渠灌稻田玄靈業文順不敢怒

將至威武堡

三首

候物催屯種有與歷芒塞塵水滌三岔曉渠動七星春花
氣酣歌鳥荆叢翳闔鷓麥畦青未了路有告饑人

鹵泛春畦白陽回臘麥青山形夷夏界渠利漢唐經燕
早花前乳鶯遲雨後聽客心淹冉冉江樹望宜其

朔氣疑長閉春深始見花
山青橫鳥道日白關烽衛
土屋耕夫望雲烽戰士家
寨帷祀殘籍不記在天涯

出塞詩

尚書厚能

將軍朝出塞漠外揚雄兵
遠布熊羆陣長聯虎豹營
劍鳴彌海立旗耀齊山明
夜半風聲起胡兒帳裏驚

秋風吹古邊秋草迷胡夫
甲士森持戟材官滿控弦
虹明旗正正雷擊鼓填填
虜道黃河窟俄消萬堠煙

直擊單于壘旗分十道兵
子儀宣節度召虎壯經營
威息

鯨波偃氣銷雪嶂明自茲邊塞裏不受犬羊驚

振旅黃河邊秋高八月天勢回南牧馬威折北張弦蛟舞
千旄擁龜蟠萬鼓填仰紆宵旰慮焉敢數凌煙

元戎數十隊每隊三千兵結陣日增竈分竒夜斫營風隨
軍令走雪照戰袍明躑躅天狼遁悲嘶胡馬驚

兵揚萬里邊威仗

九重天霜狼斷穿戟風鵬落應弦黃河馬汗滴大磬鼓音
填昇平起炊爨饜滿城桑柘理

遠提塞上旅愧之曾中兵欲上燕然石分屯細柳營鐵衣
雪色冷寶劍電光明虜騎奔千里絕無烽火驚

油幢鎮遠邊虎節駐秋天霜礪千矛鏗風鳴萬努弦旌隨
勝氣動鼓雜凱音填天嘯龍沙月長麾狼望煙

屹屹朔方城洸洸靈武兵部分貔虎陣聲薄大半營風外
鈺聲動霜前劍戟明夜喧人馬至虜衆自相驚

浩浩黃榆邊淒淒白露天劍開越砥鏑弓發扶桑弦千馬
萬駟結大鼓小鼓填成樓靜宵林獵火沉秋煙

次出塞詩

都御史楊志學

胡騎潛河曲頻年未罷兵
千山嚴堠火萬竈列軍營
白草經霜萎黃沙射日明
先聲傳塞外直使虜魂驚

虎節控三邊

鸞書下

九天諸軍爭出塞萬弩盡鳴弦
捷報兵威振歡騰鼓韻直動
名真第一端合紀凌煙

行臺除夕

綺席華燈照夜闌
客中辭歲若爲歡
四千里外遠龍衮
六

十餘年濫豸冠赴闕已占瓜代近籌邊真愧檇材難長安
兒女遙相憶爲報歸期春未殘

主事王維垣

控制五千里長驅百萬兵
掀髯出塞外揚策覓戎營
旗展風連震戈排川野明
匈奴效應喪膽一日數番驚

大將怒臨邊赤心動老天
英風縮蝟馬正氣顛胡弦
虜走維張喙軍歌按鼓填
時登燕然望海外絕狼煙

副使沈圻

醜虜莫橫行元戎早發兵天聲轟震電地險據邊營劍戟
凝霜白旌旗閃日明胡塵從此淨荒塞永無驚

胡馬久窺邊明公仰誓天陳師屢秉鉞出塞遠張弦陣列
風雲整聲聞桴鼓填單于驚遁跡千里絕狼煙

手握三秦節心藏萬庫兵貔貅遵號令徽旆失巢營妖棍
迎風弭精忠貫日明內安因攘外雞犬不聞驚

軍容耀朔邊殺氣橫秋天鐵騎雲同驟烏號月並弦武侯
師律正方叔鼓聲填功勒旒然返休光繞瑞煙

副使沈綸

玉塞黃沙掃威揚

帝者兵霜飛方叔劍雷奮亞夫營足踏胡雲碎心懸漢日
明大羊潛部落烽火永無驚

帝澤元無邊胡兒自恃天六花驚瀚海萬羽迸霜弦掃
龍沙靜風傳鼙鼓填檀表竟無跡絕塞見人煙

駐車靈夏

副使高公韶

攬轡西巡此駐驂賀蘭雪色映晴嵐宣威直向堯封外貞

度應教 聖澤覃文物祗今看舉舉英雄自井覺耽耽興
來詩句聊拈出留取重游作羨譚

校文

都御史毛伯溫

冬自行臺偶校文衣冠濟濟吐奇芬河山靈秀鍾人物天
地精英載典墳筆陣吳蠶春食葉詞源峽水曉行雲
來才俊需時用早建勳名佐 聖君

校武

北郭崇臺高百尺清時演武喜登臨賀蘭晴色凌空迴河

水寒聲入地深羆虎六軍金鼓振畫圖八陣羽毛森皇威
已破腥膻膽遠遁窮荒不敢侵

造船

都御史張文魁

川掄山採衆情諧半百新成水靴鞋吳下蒙曾潛困羽閑
中賊忍界長淮祖生擊楫勤王室扶氏投鞭梗厲階譯語
解泗逃溺者好將渾脫付燔柴

過晏海湖有感

都御史吳鎰

晏海湖邊新戰場一詢往事一堪傷屍填淺水泥猶赤血

染枯蒲色尚黃

和晉溪

東風催馬度原州絕域封疆豁壯悍滿地胡笳關月曉一
聲羌笛塞雲稠暮年烈士心猶赤久戍征天淚欲流安得
備邊有頗牧長竿斜挑吉囊頭

新正西樓送任兩泉出師

都御史楊守禮

邊城樓閣壯華夷春日登臨看出師細柳營中傳號令東
風沙裏擁旌旗紅袍映日軍容肅白鳥騰空虜首垂共仰

漢廷霍去病捷書千里上
彤墀

三月巡邊曉發夏城

寂寞邊城道春深不見花
山頭堆白雪風裏捲黃沙
計拙心惟赤愁長髮已華
晉雲連塞草回首各天涯

山行觀獵

鼓吹合圍處元戎較射時
弓矛皆獻巧狐兔不勝悲
殺氣山腰震軍容虜首垂
夕陽天外淡杯酒去遲遲

途中口占

庚子十月念七日搥鼓揚兵入賀蘭仙客有情拚我醉名
山無主待人看籌邊喜見重城固報國羞稱萬戶安分付
胡兒莫作惡霜風烈烈陣雲寒

宿平羌堡

駐節平羌堡殘霞入照多寒煙浮土屋衰草藉山阿立馬
傳新令張燈奏凱歌明朝應出塞擊鼓萬聲和

赤木口

昔年荒落無人跡此日從容有客來為道邊城堪保障不

效鼻酒共徘徊夕陽搥鼓明金戟寒霧衝風拂草萊寄語

長安諸俊彥平胡還待濟時才

末二句蓋爲區區惟能築城以退虜耳平胡還望奇才也

寧夏吟

食事孟霖

賀蘭山連北海頭河水西來出塞流邊城盡是披甲士滿
眼旌旗拂戍樓健卒登高望胡騎將軍倚馬防烽燧角聲
入耳暮雲愁殺氣凌空飛鳥避秦皇逐虜至今談揮劍曾
將虎穴探當時拓地稱荒遠今望長城更在南

南塘同客泛舟分臣字韻

綵鷁隨流去清遊滿座賓湖空鷗鷺下岸遠菱荷新雲影
搖歌席波光映舞人納涼踈箔卷送酒小舟頻紫塞開靈
境龍沙息虜塵天隅同泛梗謂白泉谷口遇垂綸謂管芸莊痛飲
酬良會渾忘是遠臣

秋臺獨坐

獨坐寒更鎖篆香月光滿地白於霜重門寂寂橫金鎖何
處鍾聲到畫堂

赤木口勞軍贈傅遊戎

携醪尋上將駐馬對群峯虎帳依沙磧龍泉挂古松獨管
關塞嶮應息戍樓烽勵爾平胡志終期定遠封

遊黑寶塔詩

暖日行郊郭林深訪釋伽塞荒時見鴈春暮不逢花碧水
浸斜徑輕蕪出軟沙邊城名將在海外絕胡笳

敞進春晝永久坐午陰移携酒思登塔開軒看奕棋院空
芳樹覆野靜白雲遲醉客耽佳夕重將玉笛吹

奉和途中口占

追隨旌節此遊觀
曉日銀霜滿賀蘭
沙徑曲穿丹壑入石
罅
倚白雲看恩加藩鎮
連營壯關阻天驕絕
塞安喜見
干戈作歌舞邀賓載酒狂
陰寒

奉和宿平羌堡

山城屯虎旅日暮覺寒多
羌草連河浦驚沙暗岫阿
遙臨
百戰地坐對一罇歌
虜已寒心膽橫戈未許和

奉和赤不口

重關絕壁鬱奇峯
立馬煙嵐撲面來
石上壺觴供笑詠雲

問旌旆且徘徊龍沙戍卒閑戈戟鳥道樵歌度草萊誰謂
禦戎無上策人將霹靂比公才

公時事果決時
稱為霹靂火

奉和途中口占

副總兵陶希臯

中丞仗鉞行邊日十月驅兵度宵蘭猿鳥喜迎霜節駐山
靈應作故人看高城擊柝千巖應絕徼觀風四境安戰士
感恩如挾纊朝來那復覺祁寒

奉和宿平羌堡

絕塞人煙少孤城雨雪多軍聲傳朔漠殺氣滿山阿戎虜

行誅殄閭闔自詠歌單于新敗後聞道欲求和

奉和赤木口

賀蘭山下防胡路再見中丞旌節來翠壁丹崖聊悵望
樽白日共徘徊威名今已知戎虜德政還應被草萊部曲
自慚非衛霍令公原是濟川才

奉和途中口占

遊擊傳鐘

馬蹄遠踏平沙地絕塞重雲鎖賀蘭鼓吹聲從天外落旌
旗影向野中看烏臺兵出羌夷服瀚海塵清遠近安謾聽

康衢歌擊壤賢勞王事觸風寒

奉和宿平羌堡

荒城聊駐馬寒夜柝聲多斜月懸松際
踈煙上岫阿屯兵收鼓角對酒聽笙歌
德政移邊俗蘭山氣色和

奉和赤水口

賀蘭要地誰曾到今築重城喜共來
谷鳥嶺猿時眷戀林霞蘿月欲徘徊
威如運雷驚山嶽德共陽春及草萊
此日關成邊圉固明良相際屬高才

次南澗中丞公園赤木口途中口占

雙溪潘九齡

鎮人左
象議

范老提兵推出塞，偶隨旌節到西蘭。
風前野鹿將群避，谷口寒花帶笑看。
百堵當關千仞險，一勞爲國萬年安。
懸知此後烽煙息，共說鸞裘膽已寒。

奉和宿平羌堡

野色寒猶淺，煙光暮漸多。
孤雲飛樹杪，斜日下城阿。
馬首敲佳句，蓐前聽雅歌。
山村無夜警，地利更人和。

奉和赤木口

不因築塞驅胡遠安得今朝策馬來
深幸有緣陪眺望敢
辭多病倦遲徊風喧鼓角驚沙鳥雲
擁旌旄度嶺兼千里
平原盡摧拔中丞原是不凡才

和南澗中丞公途中口占

西崖劉思唐

魏人提學副使

鳴笳疊鼓塵諸將晴日雙旌駐賀蘭
青海遠從天際斷黃
河如在鏡中看霜風已掃胡塵淨
煙火還聞漢戍安經累
于今多上策遙知西賊膽應寒

奉和宿平羌堡

十月胡霜滿邊聲出塞多
旌旗明夕照笳鼓振巖阿
已見三軍飽仍聞一范歌
行當靖沙漠虜莫言和

奉和赤木口

運籌坐見三邊靖
出塞平驅萬馬來
故壘風煙常黯黯
空山絲管暫徘徊
防秋不用屯貔虎
設險今看闢草萊
從此廟堂無北顧
長城方倚逸群才

奉和途中口占

忍庵仇思

鎮人封
咸寧侯

西巡萬騎擁朱軒
誰識軍中有木蘭
塞路遙聞鼙鼓震
冬

山猶帶錦雲看長淮賊破綠裴度淝水功成出謝安和氣
條隨盃酒發何須貂帽護嚴寒

奉和途中口占

西岩鄭卿

鎮人郡
督同知

剷山築土建重關珍重邊防壯賀蘭鐵騎分營子隊列油
幢共坐一尊看桑田春雨耕須樂節屋秋風卧亦安經畧
祇今韓范在夜烽長息虜心寒

奉和宿平羌堡

蘭谷鄭時

鎮人遊
擊將軍

寒天晴景短荒塞野煙多霜氣勁繁弱星文耀太阿裁燈

賡雅詠把酒聽高歌欲窮蘆盡誰容暫之和

奉和途中口占

舉人張炆

用世才高割萬難奇功不羨破樓蘭辭草鴟鴟賦中律名
姓麒麟閣上看人於赤烏歌姬旦天爲蒼生起謝安西邊
正得韓公力點虜聞名膽自寒

奉和赤水口

舉人張九思

蘭山舊是胡兒穴赤水峽登臨豈易來野鳥依人如眷戀群
峯迎馬欲徘徊風塵幸見清邊塞大豕何從踏草萊莫謂

書生不諳武古來經畧屬雄才

奉和途中口占

舉人劉伸

十月驅馳承夙命揚旗聯轡踏西蘭
平原白草留餘景數疊青山喜近看
嶺樹亂雲迷客望重關高鎖障民安
霜風凜凜邊慮息已見曾胡膽亦寒

出塞曲

諭德王用賓

煌煌烽火照邊疆
虜騎如雲寇朔方
聞說將軍調戰馬
明朝生縛左賢王

降虜新回西海頭，自言曾預吉寧謀。
先從榆塞夷清壘，直擣蕭關掠馬牛。

河套從來是漢畿，受降城址尚依稀。
秋高豐草連雲合，遂使長驅胡馬肥。

賀蘭山下羽書飛，廣武營中戰馬肥。
壯士爭誇神臂弩，打圍先射白狼歸。

鼓吹喧闐戰士歡，旌旗搖曳塞雲寒。
胡兒莫肆侵凌志，今日軍中有范韓。

青草湖邊春月明
黃榆塞日春雲平
健兒躍馬橫金戟
直破天驕第一營

橫城北枕大河隈
雉堞烽臺處處開
十載塞人耕牧便
楊公真是濟時才

四海謳歌奉至尊
邊將古苦難論
連年已竭防胡力
今日須推挾纜恩

寒食遣興

庶吉士朱孟德

字夏人

春空雲渺禁煙中
冷落那堪客裏逢
飯煮青精顏固好
杯

傳篋尾習同能錦鋪文杏枝頭兩宵捲棠梨樹底風往事
漫思魂欲斷不堪回首賀蘭東

西夏端陽有懷二首

幾年令節侍蠻坡
五夜趁朝接珮珂
八表風雲迴禁闕
九重恩露遍山河
頽來內翥舒霞錦
賜出宮衣疊雪羅
今日客窓懷往事
天涯漂泊奈洪河

憶昔承恩御死東
林檎動蕙風
彩旗影裏馳千騎
寶蓋陰中下六龍
北并錦袍揮碧落
就有白羽落彤弓
侍臣此際皆稱頌
公特揚威賦駟工

古詞

浪淘沙

塞垣
秋思

慶靖王凝真

塞下景荒涼
淡薄秋光
金風淅淅透衣裳
讀罷安仁秋興
賦
慄慄悲傷
廿載住邊疆
兩鬢成霜
天邊鴻鴈又南翔
借問夏城屯戍客
是不思鄉

鵲

天冬日
漫興

前人

天闊雲低散玉花
茫茫四野少人家
嚴寒凜凜侵肌骨
貂帽隨風一任斜
沙似雪
雪如沙
謾斟綠醅聽琵琶
樓

玉宇今何在天上人間道路賒

長相思

秋

前人

水悠悠路悠悠隱隱遙山笑盡頭關河又阻修
古興州

古靈州白草黃雲都是愁勸君休倚樓

風流子

秋日
書懷

前人

樓頭思往事猶如夢回首總堪傷想童艸山東臂鷹走馬
弱齡河外開國封王老來也一身成痼疾
鬢點清霜江
左舊遊塞邊又住憶朝
京輦愁在甕鄉
倚闌疑眸處

園林正摧落，鴈陣南翔。天際暮雲凝碧，衰草添黃。更愁容
淡薄，遙山隱隱，野煙漠漠。風景淒涼。惆悵闌懷，無語獨對
斜陽。

春雲怨

吳謙時
謫客塞下

前人

龍沙三月尚不見，桃李紅芳，顏色鎮日惡。風頻起，柳困欲
眠，眠不得。夕陽啣山暮，雲橫嶺，憔悴江南。倦遊客，鄉國他
年關河，今日到此，欲愁絕。可憐孤負佳時節。正清明，禁
火幽懷，繫結怕聽胡笳韻。悲咽古道紅塵，旅館清煙，酒旗

高揭一曲詞成九迴腸斷矯首賀蘭嶽

搗練子

西夏
漫興

前人

風陣陣雨潏潏五月猶如十月寒塞上從來備節令倦遊
南客憶鄉關

菩薩蠻

歸思

前人

涼風浙浙涼雲濕羈懷何事歸思急秋氣入單衣偏增又
客悲么賀蘭三百里只隔黃河水何日是歸程中秋正月
明

朝中措

賀蘭懷古

安塞王標齋

朝嵐掃黛半陰晴涼透葛衣輕野黍離離水禽嘶隴麥
青青百年遺址埋煙草此日又重經浮生幾許可堪回
首觸處牽情

臨江仙

暑避常州行有日矣喜而賦此

前人

塞上冰霜三十載新來華髮盈顛常城風景自堪憐螺峯
初雪霽月榭淡籠烟想得靈州城下路綠楊芳草依然
黃驢蹀躞杏花天丙辰初日出南上渡頭船

浪淘沙

除夕偶成

都御史馮清

鼓角數寒更香燭燈明笙簫沸鼎鼎雜歌聲繞膝兒孫歡笑
處椒酒頻傾臘去莫相驚便是新正歲華終始片時爭
塞柳江梅傳信到萬物春榮

風入松

元旦

前人

土牛絲燕送春來淑氣初回畫堂簾幕東風軟平安竹爆
春雷疾應青陽律轉日當黃道天開銀幡花勝總奇哉
栢酒金壘曆增歲月人增壽喜新恩遍及蒿萊止是太平

時節萬方歌舞春臺

好事過上元夜

前人

輕暖布東風燈月千門如畫畫角吹老寒梅隨水聲清滿
○瑞烟九陌逐香塵人影紛如簇正是春滿乾坤樂太平
時候

謁金門人日漫成

前人

正月七客邸節逢人日候應陽春回玉律喜四方寧謐
瑞氣祥光繞室恰是太陽初出墻外梅花呈錦瑟應徵年

書曰

寧夏新志卷之七終

寧夏新志卷之八

文苑文

西夏形勝賦

按察副使曹璉

繫夏州之大郡實陝右之名邦當三邊之并翰闢千里之封疆廓岡阜而為垣濬川澤而為湟角鼉鼉而為道卧蟠竦而為梁帶河渠之重阻真屯戍之基張墾良田之萬頃撐蒼米之千章鹽池漾漾瀆其隈菊井馥郁馨其傍桑梓相接棟宇相望若率土而論其邊陲則非列郡之所擬方

也今焉載瞻其四維也漢隴蟠其西晉洛栢其東北跨沙
漠之險南吞巴蜀之雄山奔突而若馳水旋繞如環雍鄜
邈郊其坦夷聲孤城之崇隆內則敞街衢兮輻輳紛與馬
兮交通外則經滹沱兮刻鏤酌原隰兮腴豐任土作貢而
域雍兮星分井鬼罷侯置守而隸靈兮民雜漢戎出河朔
山川之外臨蕃落境界之中青窺華嶽之隱隱翠挹岷峨
之重重遥躋西嶺之屹屹近俯東湖之溶溶營興廣武坊
旌效忠瓌濱積石關邇臨潼橋橫通濟兮接賓之館連棟

園開麗景兮望春之樓凌空澹清潭兮天光雲影翠秀色
兮綠水芙蓉赫連春曉兮日烘桃李靈武秋高兮風墜梧
桐殘陽夕照荒堦兮落花啼鳥飛瀑晴懸峭壁兮玉澗垂
虹鞭轆呀軋兮影落蘆溝之夜月漁歌欵乃兮響窮古渡
之秋風於是高臺日上長塔煙浮晴虹之影乍弄蒲牢之
聲初收大河之水未波蠡山之雲不流鵲華實之蔽野漫
黍稷之盈疇石關雪積兮銀鋪曲徑漢渠春漲兮練拖平
丘騏驥如雲兮花馬之池鱗鯉盈肆兮應理之州平虜城

兮執訊獲醜鳴沙州兮落鴈浮鷗城傾黑水兮頽雉殘堞
津間黃沙兮短擢輕舟神澹湮兮猶存博望之跡石峽繁
兮尚傳大禹之游高塚巍峩兮元昊之蒐已冷古剝煨燼
兮文殊之像常留表賀獻侔而忠貫日月兮唐將之精靈
耿耿書抗僞號而名重丘山兮宋賢之遺韻悠悠此名天
下播海陬而爲西夏之勝槩可與江南之匹傳者然猶未
也若乃則考其四時也春則杏塢桃蹊霞鮮露靄秋則鶴
汀鳧渚月朗風微夏則蓮瀟碧沼之金波嬌如太液池邊

之姬媵冬則栢傲賀蘭之晴雪癘若首陽山下之夷齊與
夫觀鷹鷂之雄度則凜凜乎周家之尚父也觀芝蘭之葱
積則燦燦乎謝庭之子姪也對松竹之森立則挺挺乎汲
黯之剛直也翫鷗鷺之瑩潔則皎皎乎揚震之清白也以
至芳林鶯語柳榭蟬聲鏗鏗鏘鏘又有若回琴點瑟之立
夫孔楹也此皆翫耳目娛心志而爲西夏之美觀不減江
南之佳致者也是使騷人墨客碩士英賢尋幽覽勝游樂
流連于以羅珍饌列綺筵飛羽觴奏管絃品題詞藻繡句

錦篇觥籌交錯屢舞仙仙撫乾坤之塊北掃大彘之腥羶
詢古今於老故稽成敗於遺編方其王命南仲往城于方
此何時乎迨漢郭瑋繕城置驛浚渠溉田省費萬計蓋
一盛也整居焦獲侵鎬及方此何時乎迨唐李聽興什舉
廢復田省餉入賴其利又一盛也嗟夫時有盛衰治有隆
替天道循環斯亦何泥方今

聖主啓運應符丕達人極重熙皇圖混車書於六合車馬咸
于九區登斯民於懷葛濟斯世于唐虞矧茲夏州超軼往

古詩禮彬彬衣冠楚楚建學立師脩文偃武尚陶匏貴簪
組祛異端禦狎侮抑工商之浮華敦士農之寒苦烽燧息
煙閭閻安堵白叟黃童謳歌鼓舞能罷奮勇於陣行獵狝
潛形於巢所弓矢藏于服韞干戈載于庫府而汎陸

土封者惟德惟義遠超樂善之東平握將柄者有嚴有翼端
繼爲憲之吉甫予也一介之書生敢擬韓范之參伍聊泚
筆而紀行識者幸勿謂其狂魯

節義堂記

安塞王樛齋

節義堂者鄉貢進士張冲霄甫助其母氏懿志而作也張

之先為西川成都府成都縣循環鄉駟馬橋人高祖才富

國初以秀才徵試文授官知保定之易州後因他官與事坐

累謫居河外祖景春父恕俱耆學蓄德不慕榮達母郁氏

年十有七適張氏生男三長曰福冲霄居其中次曰翔是

時家_甚貧空於事二親必省所費易甘輒使得其驩心恕

早逝郁固守窮約義不食他姓保育其孤惟謹以冲霄性

穎敏異常兒甫識事即以禮造其就樂鄉校每莢旦而起

首如飛蓬不事膏沐躬造酒醋畜雞豚鬻以市得錢爲束
脩及三子衣食之資如有年冲霄將冠適前憲劉曹公
督餉苦夏州目其雋秀異者名郡庠日從先進王汝弼習
舉子業成化乙酉領鄉薦能不自足於己猶日勤問學閉
門研窮雖隆冬盛暑不少廢置平居如不能言於人未嘗
妄有所交苟聽以言而不觀諸行者鮮知冲霄矣歲戊子
冬將赴春宮侵以余隆於虛譽乃造長書一首歷叙母氏
矢心不渝勤苦啟養及其刻苦於學人不及知之之意約

數百言持之過余且屬筆求之爲記嘗聞人之所欲莫甚
於食色矧婦人女子所重者食色而已郁氏釣是人也年
方少艾而氏所天能知更二姓與圖大嚼爲可羞惡雖饑
寒迫切力制其心不爲私欲之所撻致惟力勤教子期於
學成以大其門語其節則孤松老柏鬱鬱乎貫四時而莫
之能改也語其義則秋霜杲日皦皦乎燭兩間而莫之能
擘也語其砥窮苦遭艱辛則啖荼蕺如藍桂悄悄乎而人
莫之能知也其於羣人倫蓋風化興起乎人心之善爲何

如哉彼代之末冠偉然堯言舜趨號稱丈夫者猶且朝而
為梁莫而為陳與夫賣國棄君以易富貴者五繇其挫致
於人欲故心為形役德不能周千載之下其視郁氏寧無
心媿哉於戲節義之在人心雖本其所固有之理然於有
天下者關係為甚大昔東漢委靡之餘賴當時朝野賢人
君子持其操而不屈舍其生如不有述相激厲而扶植之
故強如曹孟德雖久闕漢鼎垂延終日竟不敢一染其指
君臣僅僅羈縻以終平身唐玄宗朝號為全勝張九齡當

時賢相也惟其不度於義矢身起復爲時所輕未幾亂臣
賊子接迹而起國勢幾不可爲餘可見矣謂天下存亡不
係於節義之立不立可乎哉惜乎三代遠矣教化泯然不
行於下間有良心發見如郁氏所爲者人殊未始以其爲
當世所重而僅足以備鄉井之所美談而已可勝嘆哉故
余旣記其事而復寄言外之意若此於戲有天下者視節
義爲何物哉

重脩忠義武安王廟記

豐林王平齋

自古忠義之臣有功德於民勤勞於國故天下后世景行
企仰肖廟貌以祀之是豈微福以取容哉亦激勸人心振
揚風教綱維世道云爾夫人能忠義則可以動天地感鬼
神貫日月享草木而況於人乎此廟之所宜作也漢書亭
侯廟在夏城東北隅背賀蘭而大河順城之形勢欲碑刻
殘缺弗可稽其創始父老傳謂至正年之重釐者我朝
奉有天下徙其民戊戌之時廟爲鳥獸糞其半而止殿僅
存 年畧加脩葺以循巷之礎易門而南向焉至今若

千歲漸就傾圮嘉靖九年上命內官監太監張公來守

茲土謂廟之餘慨然嘆曰殿宇雖設棟楹欲傾簷茅蔽雨

力不敵風神何以棲亟欲葺之值戎馬方殷且蕪歲儉遂

寤其重越明年公自捐俸餘鳩工掄材撤其舊而新之綜

以巨壘甃以瓦石飾以金碧百廢備舉輝耀奪日命羽士

主其廟凡歲時祈禱益肅以虔今年庚寅告厥成屬余為

記余奉宗人文墨固非所長然安享有賴義不容辭按史

載漢昭烈少與侯友善侯即知有大志尤感其恩乃委身

竭力周旋不避艱險以患難死生共之操雖禮遇隆厚但
立效報之而已竟不忘漢耀兵樊襄威振華夏輔昭烈以
延漢脉其忠義昭如日星在人耳目而獻帝惟封亭侯食
邑漢壽至宋始追封王爵迄我朝秩祀典謂神不享非
禮故仍漢之所封今海宇之廣雖一鄉一邑無不廟祀而
一邦一國不瑛言矣然非侯之忠義足以激萬世之人心
萬世之綱常能如是乎矧寧夏大鎮也密邇戎夷自古用
武之地居多介冑之士而張公此舉豈為無益哉正以使

邊人之登斯廟也有以興起其奮激之心若何而爲忠若何而爲義若何而踵躅古人若何而遺馨百世所謂勸人心振風教而綱維世道者豈淺淺哉張公名鎮福建人自抵住宅心安靜勵志忠勤遠倭近賢揚威布惠恒以計慮潛消邊釁誠中貴中之翹楚者也宜併書之俟觀風者有所據云

冰玉堂

都御史馮清

冰清而貞玉粹而瑩兩儀之秀二氣之精德可與比心可

與盟大書扁額高揭堂楹以示箴警以昭鑑衡物不得掩
其明人不能適其情憲度斯清法之斯行不負所榮無忝
所生是蓋本之實德夫豈事乎虛名我言則眊我心匪旨
敢告同志聰聽是傾

寧夏舊八景詩序

三山陳德武

番禺陳宗大好事而嗜詩者也戍邊久將請告南還散餘
貲收善褚裝潢爲長卷下繪事者圖寧夏八景繫同志詩
于後屬予序之以重行色予曰山川景物在處有之以人

而重金華八詠沈休文倡之盛山十二詩韋德載首一號
州二十一詠韓退之和之後以人景命題則無地無之然
不過寫風雲雪月之清奇禽魚花木之閑麗以洩其得喪
哀樂之情也子今挾是而歸將為金多致茶耶抑為敝裘
取倨耶聞子有倚門之親幹蠱之干九弟親朋守望閭里
予不知子囊中之金足具甘旨食饗以叙平日之驩否而
於倨與恭奚居之宗大曰富貴顯親人孰不欲是有命焉
不可幸致也請試觀斯夏之境內其遠者曰黑水故城邇

者曰夏臺秋草當其勢之方張蒸土校錐以圖永固增金
索幣以居強大一時之鏗騎健兒歌樓舞榭今皆變為寒
煙鞠為衰草而已亞於水曰黃沙古渡但見風波浩浩鷗
鷺欲墮河檉搖紅蓼花飛白苔之車塵馬跡皆為狐兔之
區而輕舟短棹長年三老之屬已移於高橋楊家渡矣附
於白臺曰長塔鍾聲惟見折觚剩稜倒影在地向之金碧
莊嚴幻為瓦礫之場而追尋解紐已徙於成樓矣郭之南
下春煙靡靡柔綠如染秋風颯颯黃葉誰惜是曰官橋柳

色送故迎新離歌別酒攀折無算吾不知其幾榮枯也郊
之西北蒼蒼茫茫如藩屏如保障盤踞數百里時呈六花
以告歲是日賀蘭晴雪此天以表裏山河限固疆域者
也山之東曰良田晚照河之西曰蕞渠春水襟帶左右膏
腴幾萬頃因昔之功爲今之利荷鍾成雲次渠爲雨吾成
士衣食之源所當勤勞之地也蓋庸情勞則思思則善心
生善心生則能守其身而不失際無事之日爲太平之人
俯仰今古得不足恃失不爲耻耕鑿之餘遊戲翰墨吟詠

性情以和擊壤得非生憂患行貧賤之謂乎念自濠上應
募繇武功移于斯將彌一世所閱金多敝棗存亡者衆矣
吾今獲保遺體而歸定省之職敦斯言於北堂之上足以
致吾親之驩兄弟子孫親朋間里亦聚驩焉非惟可以取
驩亦可以垂教子孫使之服勞思善以守其身庶無負於
名教又何彼縱橫者恭倨之足云子作曰子言良是前言
戲耳雖然予么眇言輕不足爲子重將道中華觀望之邦
抵西江文章之奧遇有退之德載休文輩人出以取正更

求其大手筆以發揮之俾塞上之景當與號州盛山金華
並傳于世以流于後遠戍又足以起予之陋以成子好事
嗜詩之多不亦躋歟宗大曰然遂僭書于圖左

漢壽亭侯壯謬關公祠碑

芸莊管律

侯解人生有異狀少與范陽張將軍飛約昭烈以兄弟相
盟戮力漢室是故獨於稠人廣坐中侍昭烈惟謹嘗守下
邳為操所執拜偏將軍禮遇甚厚操使部將張遼以其情
問之侯以誓不肯劉當之效報操為詞於是斬紹將顏良

於萬象中遂解白鳥之圖盡封操所賜金幣拜書告辭奔
赴昭烈於戲清風峻節迄今千百餘歲凜然猶存四海之
內雖窮鄉僻郡咸有祠貌慕忠義也夫忠義之士萃天地
之正氣以生者天地之氣運行不息與四時流通而忠義
之士名垂不朽與天地久長固其理哉禁堡爲夏鎮附邑
堡居耆德致仕千兵張君羽借二三碩彥捐貲市材鳩工
立祠以祀侯雨暘愆期於是乎祈焉雨暘時若於是乎報
焉布位於辛卯某月告成於甲午某月礱石以謹後圖謁

八十一
十一
余記之余考漢高帝起布衣驅暴秦以革閭位義嚴功懋
疑出殷周之外雖曆服萬億享之弗移固也天心曷嘗厭
之遠獻帝權易於卓身制於操權虛器而治教不行天所
厭者其獻帝乎侯嗜春秋左傳素諧尊主之道豈曰不知
有獻帝耶其所以傾心委質盡力於昭烈者順乎其天爾
當是時魏為漢賊吳為漢寇天下人心思漢仇魏然以侯
之勇冠二軍威震華夏苟一鼓而向許昌則操必就擒吳
自望塵檻縛於道左矣漢室復興猶視諸掌柰何昭烈信

法正之詭謀置魏急兵徒耀兵於荆湘之間失乎其機焉
非在我者也及己亥冬十月變生破口辛丑夏四月
傳言蜀中英君梟將各已云殂自後屢勤伐魏之師終莫
一效則侯之始焉不悅於三顧之際者又可謂無預定
者凡哉君子於侯重致歎也法曰武功不成曰謬是故以
壯謬謚侯蓋白侯之志其惜之也深至矣宋祥符間贈義
勇武安王宣和間贈崇寧護國真君睦茲以往皆用是稱
洪惟我太祖高皇帝崇正祀典謂神不享非禮仍以漢

壽亭侯祀之夫用漢之封爵祀漢之忠臣於神宜無不妥
矧侯之神在天也為風為雲在地也為江為河無處而不
有焉者也祠之於葉堡夫豈多哉但今之稱者又止曰壽
亭侯誤以漢為國號脫之此又不可不辯之也蓋東漢之
制有縣侯有鄉侯有亭侯亭侯爵也漢壽食邑也縣在犍
為徵諸勸進昭列表侯首署其銜曰前將軍漢壽亭侯關
某是已夫享不貴豐而貴不黷黷莫甘於稱號之不明也
况非我 皇明之制焉爾乎是故余於是碑以今制題之

神廟至止永享於斯堡之人凡以義助功於祠者法得備
書碑陰

大明嘉靖平虜之碑

修撰康海

嘉靖十三年甲午虜酋吉囊盤據河套數年抹馬勵兵將
圖大舉入寇兵部尚書兼都察院右都御史唐公龍與總
兵官都督同知劉文講畫戰守之法緩急遠近部署咸定
七月初寧夏報吉囊結營于花馬池唐公下令曰賊寇延
綏鎮西將軍張鳳主之寇寧夏征西將軍王劾主之寇固

原都督劉文主之其當衝截突副總兵都督僉事梁震主
之十四日己卯虜由定邊乾溝剗崖擁入鐵柱泉劉文堵
截不得犯固原二十三日戊子乃從青沙峴入寇安會金
三縣文率所部叅將霍璽崔嵩彭濬守備吳瑛崔天爵馳
兵往赴明日己丑戰于會寧柳家岔及葛家山斬其桀者
數十人虜懼思遁文曰賊歸必自青沙峴遊擊將軍李勳
守備陶希臯可趨青沙峴伏道以俟紅古城半箇城零賊
之所必犯指揮王縉可按兵截殺二城無事海刺都乾鹽

池鳴沙州石溝可安堵矣八月四日戊戌虜果合衆出青
沙峴文督戰當衝伏兵盡起復大敗虜衆而王縉於半箇
城與指揮曰國亦破零賊前後斬首一百二十又七所獲
達馬一百三十又二甲冑器械衣物一千九百三十又七
梁震與叅將吳吉遊擊徐淮守備戴經遇虜于乾溝大戰
破之斬首一百八十又五所獲達馬二百又四器物四千
七百四十又七王効與副總兵苗鑾遊擊鄭時將存禮
又遇虜于興武營大戰破之叅將史經劉潮分布常州張

年又從苗蠻擁邊遇劉文驥虜結營北奔各哨奮勇而前
後斬首一百三十所獲達馬二百又二器物二千一百六
十又六虜幸得及老塔晝夜亟遁故海刺都乾鹽池鳴沙
石溝號牛羊富有之地雖經行不敢正目視昔駐掠幽隴
而諸將閉門額天不能得一遺鏃何如哉十萬之虜經年
狂套抹馬勵兵欲圖大舉二旬之內連獲三捷蓋惟

皇上神武聖文知人善任故唐公得以悉心壯猷諸將得以據
必自奮爾語上下相須千古為難豈不信哉唐公受

命以來寒暑僅四閱也斬獲虜首殆及千餘威寧細溝之
功北征已後謂爲再見今日之捷視威寧細溝不知相
去幾許 廟堂與本兵大臣必有以休休之心翊贊 皇度
者矣方諸簡冊周宣漢武不足言也邊方父老以予撰碑
叙述其事用告將來辭曰惟明九葉篤生 聖皇允文允
武帝德用昌因心弘化寵綬萬邦內治旣洽思被邊疆惠
德有賚拂義必匡元臣若德遯惠厥常蠢茲酋虜潛蠕幽
荒教旣未逮敎亦隳猖獗據河套未遂驅攘屢犯屢挫曾

不戒城公壯其猷九伐斯張青沙之役易若驅羊興武既
戢乾溝亦襄大舉反魃鼠窟風惟囊恭惟 神武所嚮必戢
况此元老維德之行邦崇虛譽克屏譎狂稽勛者勸而無
否臧元戎丕奮參佐孔良節制四載其武湯湯 皇心勿
二公德愈光甲午之捷萬古所望後賢秉鉞尚慎勿忘

觀赤木口詩序

嘉靖庚子冬巡撫中丞楊公修築賀蘭山赤木口關成將
往祀山靈以報佑焉鄉之諸縉紳先生進曰赤木虜寇之
便道寧鎮之要害也昔雖設關不足以爲守及關廢歲久
屢議修而不果我公復久廢之險成不拔之固願相隨往
觀焉公許之明日乃偕行諸將與霜從之是夕宿平羌堡
又明日至關下舉祀畢大宴樂手帷幕中衆復進曰地逼
胡疆人跡罕到往時軍旅之行擁戈羅甲亦未敢深入今

者列樽俎之筵爲歌舞之地非公之賜我乃舉觴以爲公
謝公亦歡甚乃序述其意作詩以詠之諸君與霽咸和之
共得二十八首霽復詳紀其事于簡端以備覽云

嘉靖庚子冬十一月十有三日僉事孟霽謹序

籌邊錄序

劉思唐

寧夏遠在大河之外山川險阻限界華夷在三邊尤爲重鎮聖旌靖己亥秋

南澗楊公受

命巡撫其地下車之初銳意經畧夙夜匪遑以求無負

簡任之至意維時本鎮當多事之秋邊患外殷財力內屈加以時平法玩吏緣爲奸竇弊蠹集時勢如今日亦難矣公乃思艱圖易不沮不撓經理邊防如治家事完城郭訓兵

戎修險隘儲糧食均賦役禁奸慝凡有裨于邊計者與廢
補弊事制由防其所弊畫動中機宜類皆經久可行越明
年政成人和百度維新遂編次其事為錄以貽夫後來者
乃不以思唐為鄙命序其簡端嗚呼夷狄之為中國患久
矣我

國家以武功定天下尤留意邊防百七十年來太平既久武
備漸弛邇者北虜日甚猖獗屢肆侵掠邊書告急至廣
廟堂之慮天下之患未有大于此者士大夫溺于宴安莫之

省憂間有一人言之則群笑以爲迂不則以爲病且狂蓋其禍伏而未發是故嘗病于不信若俟其既發而後言則又病于無及矣惟公見高而識遠舉世以爲不足憂者公獨以爲深憂又其才力足以副之安攘大計在他人積又不能決者公談笑俄頃之間立可取辦如赤木口之役力排群議曾未踰時屹成巨防爲夏人百世之利自非才優經濟忠存體

國者何以及此若假以久任俾得究竟其設施必能以身為

西北長城銷北虜之患于未形則全陝有安枕之地而
上上可無西顧之憂矣然則茲錄所關豈獨為寧夏一隅之
計耶

寧夏新志後序

志記也史事也有經緯之體有詳況之用有譜系之真有案牘之實此昔人所以爲難今人所以爲易者今不如昔也歲弘治庚申適邊氓安堵巡撫寧夏都憲王公進庠之諸生謂曰地郡之有志猶家之有譜系也猶公曹之有案牘也考興亡辨是非求隱蹟卽小可以占大據政可以知德由紀載之粗近可以窺性道之本根是宜以易易視之哉

比觀寧夏舊志乃

慶先靖王所作固無容議然歲久而事遺人倍政治
之趨革而舊志難以抹據欲作新志以表裏之今
昔美事也諸臣領教唯唯且以予陋劣而憂服已
闕偏總其事辭弗獲呵筆如推翻紙如雲越辛酉
春稿成而謬固觸目乃請校于陝憲僉李公公夙
學也忘爾我公批摛稿既脫諸生奉獻王公公閱
而喜曰可以板行矣公自序于首囑予以後序予

生長茲土愧學力之孔卑憾識之云隘剽遺緒
之斷直資故老之緒論功寔嚴乎三月志僅成乎
八卷是誠可慰也又重以序重其過也寧復今昔
事具于志不贅于言王公總憲於茲百凡政務攸
萃在綿力者不遑於掩救志不志何暇問哉蓋其
醞藉於中也大設施於外也明推究於治理也眞
而切故餘力不勞而美事攸舉顧予不攻于史不
知昔人之所以難而寔坐今人之所以妄易也謬

且固簿會而無文飾何足以當公之盛心哉序非
所能以應公命也

弘治辛酉夏四月既望後學胡汝礪謹序

重修寧夏新誌後序

中丞楊公來撫寧夏之明年邊事大
治羗夷北徙暇日觀舊誌弗備禮請
芸莊管公修焉以管博聞有辭而通
世故也誌成屬霧序諸末霧惟

聖皇禦世稽往古之制辯五土之宜以
經理四極故令施而不違今夫受寄

一方者往轍弗考土宜弗詢欲有所
施未能也寧鎮爲邊塞要地所以禦
外而安內振武威而壯

國體也軍機百務既重且難而疆域荒
遠物情迥異茲誌在覽蒞政握兵者
得以遠考而周知

者鄧孔遐凡建明邊略不待指山畫谷

而自見焉歲遠事殊欲救滯補偏者
有所取中而爲之損益此中丞公之
知務而芸莊不負所託也誌凡八卷
乃命諸梓以傳

嘉靖庚子暮冬之吉陝西按察司僉
事晉城孟霖序

重修寧夏新志後序

志也者志夫古以鑑乎今也志夫今以詔乎來也
是故可以信不可以疑寧夏志當弘治庚申冬巡
撫御史中丞曹南王公德潤禮懇竹山胡先生
良弼編輯之者序皆悉於前矣律時受業竹山之
門嘗與筆札越辛酉春藁成未壽梓而竹山東上
及將鏤之役欠掌正乃人出己見競加點竄遂失
其真夫志四方者尚簡簡貴弗遺志一方者尚詳

詳貴弗冗以其點竄之失真也故綱領不振視匪
良志正德癸酉中丞濯菴馮公汝揚嘗重纂於夏
庠惜師生隘於聞見制於勢分牽於私昵愈涉於
泛且陋君子益厭之嘉靖戊子中丞聯峯翟公志
南又嘗託鄉先達東溪馬公宗大作之而竟未就
迄己亥秋中丞南澗楊公秉節巡撫夏方貞憲度
而庶政維新瘳民瘼而百姓安堵脩關隘而四境
清謐鼓士氣而三兵奮強乘暇翻閱地志用求因

革之宜於時者或舉於昔而墜於今或便於今而忽於昔思次第以見諸行然因革有重輕之異施措有急緩之殊柰漫無所據其徃政之蹟則亦無所勸戒於其間公深慨之越庚子夏六月檄憲僉味泉孟公孔章延律於養正書院少加訂証律欲終竹山之志故不以不才辭既提綱挈領剪蔓剗繁而復竹山之故矣乃以風俗之日趨於弊邊事之日睽於要者悉稽其所由而繹衆論之切於事

者僭發猥言於下俾所謂重輕急緩庶有可據而
不涉於茫昧實承南澗公之指示殆亦方鎮之喫
緊者歟至於侈大其事與物而取一時之誇耀則
皆畧之矣雖欲弗畧何益焉固匪衰耗之有所遺
也南澗公政急先務剛斷克終允志之所載寔藩
維之所重繫鎮人耳目之所著習者其善政懿令
避見任之嫌是故不枚盡之尚以俟乎後之君子
嘉靖庚子八月朔吉鎮人管律謹序